

REFERAT IIIA - Isumaginninnermut Inunnullu Innarluutilinnut Ataatsimiititaq d. 01-03-2022

Mødedato Tirsdag d. 01. marts 2022 kl. 18:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	6
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	7
Utoqqarnut tunngasuni naatsorsueqqissaarneq, ukiup affakkaartumik malinnaatitsineq.....	11
Oqartussaqaarfimmi isumaginnittoqaarfimmi inissianut innersuussisarneq pillugu ilisimatitsineq.....	14
Oqartussaaffeqaarfiup angusai sullissinermilu anguniagai - 4. kvartali 2021.....	17
Timimik sungiusaasut pillorissaasullu suleqatigiit toqqorsivimmiittussanik inniminniinerat pillugu i	20
Majoriaq pillugu angusassat pillugit isumaqatigiissut aamma ingerlatsinermut isumaqatigiissut.....	23
Ulloq unnuarlu paaqqinniffimmiititsinermut aningaasaliissuteqaarnermik ilisimatitsissut.....	25
Inuit innarluutillit aamma tarnikkut nappaatillit pillugit Tulleriissaarinermi Ataatsimiititaliami ileqq	27
Taasariaqartut allat.....	30
Imaqarniliap akuerineqarnera.....	32

Punkt .: Saqqaa

Ilaasortat:

Inge Olsvig Brandt (IA) *siulittaasoq*

Lone Rosengreen Pedersen (IA) *siulittaasup tullia*

Avaaraq S. Olsen (IA)

Poul Petersen (D)

Mala Høy-Kukó (S)

Beslutning

Peqataasut:

Inge Olsvig Brandt (IA)

Lone Rosengreen Pedersen (IA)

Avaaraq S. Olsen (IA)

Poul Petersen (D)

Oqarasuaatikkut:

Mala Høy Kúko (S)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Siulittaasumiit nalunaarutit:

Ingerlatsivimmiit nalunaarutit:

Beslutning

Siulittaasumiit nalunaarutit:

Soqanngilaq.

Ingerlatsivimmiit nalunaarutit:

Angerlarsimaffeqanngitsunut inissat nuunneqarnerinik ilisimatitsissut

Ataatsimiititap kingullermik ulloq 20. januaari 2022-mi ataatsimiinnermini ilisimatinneqarpoq angerlarsimaffeqanngitsunut inissat nuunneqarnissaat pillugu. Angerlarsimaffeqanngitsunut inissat Blok C-miit aamma D-miit B-306-imut - Ernutaq aamma B-1396-imut - Ungaaq - nuunneqarput.

Nuunneq ulluni 21.-23. feb. pivoq. Nuunneq maannamut ingerlalluarpoq. Illut nutaat tamarmik atorneqarnissaminut akuerineqarput atuisullu ulloq 23. feb. inini nutaani unnueqqaarput.

Punkt 1: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisut kisitsisaannut takussutissiat

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2022-00441

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutit kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut ukiumut 2021-mut aamma 2022-mi januaarimut tunngasuuvoq.

Nuuk

Nuummi suliffissaaleqineq qaffarialaarpoq, tamannalu ukiup qanoq ilineranut tunngassuteqarpoq. Nuummi Majoriaq qaammatini marlunni kingullerni, decembari januaarilu, assut coronamit eqqugaasimavoq, taamaalilluni sulisut sinneruttut, sammisassat pilersaarutaasut pinnagit suliassat takkussuuttut salliussimavaat. Taamaalilluni suliffissarsiortunut piginnaanngorsaqqittunullu iliuusissatut pilersaarutit marsip naaneranut aallartinneqarnissaat kinguartinneqarpoq, taamalu nalunaarsuinerit innersuussisarnerillu suliarineqarnerusimapput, tassa pingaartumik qaammatini februaarimi marsimilu ilinniarfissanut ilitsersuinermut suliassat salliunneqartarmata.

Paamiut

Paamiuni suliffissaaleqineq suli aalaakkaasuuvoq. Paamiuni Majoriaq januaarimi assut coronamit eqqugaasimavoq, taamaalilluni sulisut suliassat takkussuuttut, nalunaarsuinerit aamma innersuussisarnerit, salliussimavaat. Tamatuma kingorna sulisut akornanni allannguisoqarsimavoq, taamaalilluni sammisassat pilersaarutaasut kinguartinneqarput, tassa pingaartumik qaammatini februaarimi marsimilu ilinniarfissanut ilitsersuinermut suliassat salliunneqartarmata. Taamaalilluni suliffissaaleqisunut tunngatillugu ukiumoortumik sammisassat pilersaarusiortnerat marsip qiteqqunneranut kinguartinneqarpoq.

Tasiilaq

Tasiilami suliffissaaleqineq annikitsumik qaffariaateqarpoq. Tamanna ukiup qanoq ilineranut attuumassuteqarpoq naatsorsuutigineqarporlu qaammatini aggersuni upernarnera ilutigalugu suliffissaaleqisut amerlinissaat. Tasiilami Majoriap upernaap ingerlanerani illoqarfinni nunaqarfinnilu ilitsersuisarnerit aamma iliuusissatut pilersaarutit malitseqartinneqartarnerinut tunngatillugu suliniutertik nangissavaat. Taamatuttaaq Tasiilami Majoriap maanna ilinniarfinnut ilitsersuisarnerit salliuppai.

Ittoqqortoormiit

Ittoqqortoormiini suliffissaaleqineq suli aalaakkaasuuvoq. Majoriami suliassat tamarmik inatsisigut pituttugaasut ataavartumik suliarineqartarput.

Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqisut amerleriaateqalaarsimapput, tamannali ukiup qanoq ilineranut tunngassuteqarpoq. Tamatuma saniatigut sulinnigiffeqarnerisutit

tunniunissaannut suliffissaaleqisuuneq piunasaqaataammat januaarimi suliffissaaleqisut amerlanerit nalunaarsorneqartarput. Taamaattorli ukiunut kingullernut 2-3-nut sanilliullugu suliffissaaleqisut suli ikiliartornissaat suliffissarsiuussisarfiimmit naatsorsuutigineqarpoq, tassa suliffissaaleqisut amerlassusii 2019-imi, 2020-mi aamma 2021-mi kisitsisinut sanilliullugit suli ikinnerummata. Ilanngussami takussutissiat 1 aamma 2 takukkit.

Piffissami tassani
innersuunneqarsimasut
nalunaarsorneqarnerat

Suliffeqarnermut
Isumaginninnermullu
Ingerlatsivimmit suliffissaaleqisut
suliffittaarnissaannik
innersuussisarneq suli
sulissutigineqarpoq. Matumani
piffissami innersuunneqarsimasunut

Sumiiffik	2021-mi innersuussat amerlassusiat	2022-mi januaarimi innersuussat amerlassusiat
Nuuk	164	25
Paamiut	84	6
Tasiilaq	2	0
Ittoqqortoormiit	2	0
Nunaqarfinni tamani	15	6

nalunaarsuinerit tulliuttumi takuneqarsinnaapput. Innersuussisarnermut tunngasut 2022-mi suli immikkut pingaartinneqassapput, suliffeqarfinnik suleqateqartarneq kiisalu suliffissaaleqisut piginnaasaasa ineriartortinneqarnerat ima pingaarnertinneqassammata siunissami sumiiffinni sinerissamilu suliffiit inuttassarsiukkat inuttalerneqarsinnaallutik.

Matchgruppiniit agguataarinerit naatsorsorneqarnerat

Suliffeqarnermut Isumaginninnermullu Ingerlatsivimmit naleqqussaalluni agguataarisarneq suli immikkut ukkatarineqarpoq. Suliffeqarnermut Isumaginninnermullu Ingerlatsiviup tamanna pillugu qulaajaanermik suliaqarneq annertoq aallartippaa, tamannali 2021-mi corona pillugu sammisassat pilersaarutaasut arlallit taamaatinneqarsimmammata kinguartinneqarlutilluunniit unamminarsimavoq. Iliuusissatut pilersaarutiniq qulaajaanermik ingerlatsinikkut tassungalu tunngatillugu malitseqartitsinikkut kingornalu qulaajaanermik pikkorissaanikkut suliffissaaleqisut katitigaanerisa allanngortinneqarnissaat naatsorsuutigineqarpoq, matumani matchgruppe 2-miittut ikilisinneqarnissaat immikkut pineqarpoq. Ilanngussami takussutissiaq 3 takuuk.

Avataaniit suliarortut naatsorsorneqarneri

2021	Amerlassusiat	2022-mi januaarimi	Amerlassusiat
Akuersissutit amerlassusiat	386	Akuersissutit amerlassusiat	22
Itigartitsissutit amerlassusiat	24	Itigartitsissutit amerlassusiat	3
Sivitsuinerit amerlassusiat	37	Sivitsuinerit amerlassusiat	7
%-gorlugu amerlassusiat	0	%-gorlugu amerlassusiat	1
Aalajangiinerit katillugit	447	Aalajangiinerit katillugit	33

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

Ujartuilluni ilitsersuisarnerup naatsorsorneqarneri

Majoriaq inuusuttunut 16-30 akornanni ukiulinnut ujartuilluni ilitsersuinerimik suliaqartarpoq. Ujartuilluni ilitsersuineri sullinniakkat inuusuttuupput suliffissaaleqisut aammalu ilinniakkamik ingerlatsinngitsut, kisianni Majoriami suliffissaaleqisutut nalunaarsorneqarsimangitsut.

Kommunimi tamarmi ujartuilluni siunnersuineq aallartinneqarpoq, tamannali aamma corona pissutigalugu unammillernarsimavoq. Suliffeqarnermut Isumaginninnermullu Ingerlatsiviup naatsorsuutigivaa, Nuummi aaqqissuussaasumik suliniuteqarneq 2022-mi upernaami piareerneqassasoq. Illoqarfinnili Ittoqqortoormiini Tasiilamilu suliniuteqarnerup immikkoortua siulleq ingerlanneqareerpoq, Nuummilu Paamiunilu aallartinneqarpoq.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutitut kiisalu suliffeqanngikkallarnermi pisartakkanut aningaasartuutitut aningaasaqarnikkut sulisoqarnikkullu sunniuteqartarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaaitallit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

Ilanngussaq

1. Suliffissaaleqisut kisitsisaannut takussutissiat

Punkt 2: Utoqqarnut tunngasuni naatsorsueqqissaarneq, ukiup affakkaartumik malinnaatitsineq

Beslutning

Ilisimatitsissut tusaatissatut tiguneqarpoq.

Utoqqarnut tunngasuni naatsorsueqqissaarnek, ukiup affakkaartumik malinnaatitsineq

Ilisimatitsissut

SagsID.: EMN-2022-00916

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Suliffeqarnermut Isumaginninnermullu Ingerlatsivimmit utoqqarnut tunngasuni inissianik neqeroorutit pigineqartut takussutissartaat kiisalu utaqqisunut allattorsimaffik saqqummiunneqarput.

Takussutissamiipput Suliffeqarnermut Isumaginninnermullu Ingerlatsiviup utoqqaat illuini, oqilisaassivinni, utoqqaat najugaqatigiiffiini inissiat pigisai aamma utoqqarnut/innarluutilinnut inissiat pigisai.

Suliffeqarnermut Isumaginninnermullu Ingerlatsiviup innuttaasut makkununga innersuuttarpaat:

- Utoqqaat angerlarsimaffiat
- Oqilisaassineq
- Utoqqaat Najugaqatigiiffiat
- Inissiat utoqqarnut innarluutilinnullu naleqqussakkat

Kommune ataasiakkaanik innarluutilinnut naleqqussakkanik pigisaqarpoq, sinnerilu Inissiatileqatigiiffik Iserit A/S suleqatigalugu tunniunneqartarput. Tassunga atatillugu utoqqarnut/innarluutilinnut inissiat inini allerni tummerartaqanngitsuni imaluunniit aqqusinermiit arlalialunnguanik alloriusartalinniipput.

Inissat pigineqartut

Illoqarfik/najugaqarfissanik neqeroorutit	Utoqqaat angerlarsimaffiat	Oqilisaassineq	Utoqqaat Najugaqatigiiffiat	Inissiat utoqqarnut innarluutilinnullu naleqqussakkat
Nuuk	65	14	-	275
Paamiut	18	3	-	20
Tasiilaq	16	0	-	6
Qeqertarsuatsiaat	-	1	8	2
Ittoqqortoormiit	-	0	7	2

Tulliuttumi 2022-mi februaarimi utaqqisunut allattorsimaffik takutinneqarpoq.

Utaqqisunut allattorsimaffimmiipput innuttaasut inissianut taama ittunut innersuunneqarsimasut allattorsimaffiat. Taakkua saniatigut innuttaasut qinnuteqartut sulili innersuunneqarsimanngitsut aamma pigineqarput.

Utaqqisunut allattorsimaffik

Illoqarfik/najugaqarfissanik neqeroorutit	Utoqqaat angerlarsimaffiat	Oqilisaassineq	Utoqqaat Najugaqatigiiffiat	Inissiat utoqqarnut innarluutilinnullu naleqqussakkat
Nuuk	13	3	-	79
Paamiut	0	3	-	14
Tasiilaq	4	0	-	12
Qeqertarsuatsiaat	0	0	0	0
Ittoqqortoormiit	0	0	1	0

Amerlasuutigit innuttaasut, utoqqaat illuannut utaqqisunut allatsissimasut, oqilisaassiffigineqartarput. Tassa imaappoq, innuttaasoq utoqqaat illuanni inissarsippat taava oqilisaassivimmi inissaqalartartoq.

Suliffeqarnermut Isumaginninnermullu Ingerlatsivimmit kissaatigineqarpoq utoqqarnut tunngasuni inissianut utaqqisut allattorsimaffiisa ammanerulernissaat, ukiullu affakkuutaartumik naatsorsuutit Suliffeqarnermut Isumaginninnermullu Ataatsimiititamat saqqummiunneqartassasut.

Aamma utaqqisut allattorsimaffii innuttaasullu katitigaaneri Suliffeqarnermut Isumaginninnermullu Ingerlatsiviup pilersaarusioneranut aammalu immikkoortumut pilersaarutiniq suliaqarnernut tamanut tunngatillugu ilaatinneqartarput, ilaatigut illuliassanik sanaartugassanillu pisariaqartitsinerit eqqarsaatigalugit.

Ingerlatsivimmit aningaasatigit sulisoqarnikkullu naliliinerit
Soqanngilaq.

Suliffeqarfimmut Kiffartuussivimmit aningaasatigit naliliineq
Aningaasatigit naliliisoqartitsinngilaq.

Inatsisitigit tunngavissaq allakkallu tunngaviusumik uppernarsaatitalit

- Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq.
- Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq
- 2021-2025-mut suleqatigiinnissamik isumaqatigiissut
- Kommuneqarfik Sermersuup Utoqqaat pillugit politikkaa 2016-2026
- Kommuneqarfik Sermersuup utoqqarnut pilersaarutaa

Ilanngussaq
Soqanngilaq.

Punkt 3: Oqartussaqaarfimmi isumaginnittoqarfimmi inissianut innersuussisarneq pillugu ilisimatitsineq

Beslutning

Ilisimatitsissut tusaatissatut tiguneqarpoq.

Bilag

Innersuussisartoqatigiinni malittarisassat 2018-imeersut



Oqartussaqaarfimmi isumaginnittoqarfimmi inissianut innersuussisarneq pillugu ilisimatitsineq

Ilisimatitsissut

SagsID.: EMN-2022-00595

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Ingerlatsivik Suliffeqarnermut Isumaginninnermullu Ataatsimiititap Suliffeqarnermut Isumaginninnermullu Ataatsimiititamut Udvalg for inassuteqaatigaa:

- oqartussaqaarfimmi isumaginninnikkut inissiat pillugit ilisimatitsissut tusaatissatut tiguneqassasoq

Suliamik saqqummiussineq

Suliffeqarnermut Isumaginninnermullu Ingerlatsiviup isumaginnittoqarfimmit inissiat pillugit Oqartussaqaarfimmut ilisimatitsissut saqqummiuppaa. Maannakkut utaqqisut kiisalu 2021-mi inissiat tunniunneqartut amerlassusaat ilisimatitsissutit takutippaa.

Kommuneqarfik Sermersuumi innuttaasut pisariaqartitsisut piunasaqaatit aallaavigalugit initaarsinnaatitaasutut isumaginninnikkut inissianik tunineqarsinnaapput. Inissamik innersuussisartut Meeqqanut Ilaqutariinnullu Ingerlatsivimmiit Suliffeqarnermut Isumaginninnermullu Ingerlatsivimmeersunik ilaasortaqaartut innersuussisarnermi nalilersuutit malillugit nalilersuisarput tunniussisarlutillu (Innersuussisartoqatigiinni malittarisassat 2018-imeersut takukkit).

Inissiatileqatigiiffiit Ini aamma Iserit isumaginninnikkut inissamat tunniussassamik inissaateqaleraangamik saaffiginnittarput. Tassanngaanniit innuttaasut inissamik utaqqisut allattorsimaffianniittut tunineqartarput. Kommunip inissiat atorineqanngitsut 25 %-iisa amerlassusaat isumaginninnikkut inissiatut neqeroorutigisussanngorlugit Iserit isumaqatigiissuteqarfigaa.

Inissamik innersuussisartut isumagissavaat:

- inissianik agguatassanut qinnuteqaatit akuerisat tullerriaakkat pillugit Innersuusseqatigiittartut utaqqisut allattorsimaffiannik suliaqarlutillu nutarterineq
- Innersuusseqatigiittartut utaqqisunut allattorsimaffiutaanni qinnuteqartut tullerriaarlugit ataavartumik isummerfigininneq

Ilisimatitsissutit massakkut kisitsisit imaapput:

Isumaginninnikkut inissiat suuneri	Utaqqisut amerlassusaat
Inissiaq ataatsimik initalik	11
Inissiaq ataatsimik marlunnik initalik	26
Inissiaq marlunnik initalik	19
Inissiaq marlunnik-pingasunik initalik	7
Inissiaq pingasunik initalik	7
Inissiaq pingasunik-sisamanik initalik	6
Inissiaq sisamanik initalik	4
Inissiaq sisamanik-tallimanik initalik	2

2021-mi inissiat tunniunneqartut amerlassusaat:



Illoqarfik	2021-mi inissiat tunniunneqartut amerlassusaat:
Nuuk	26
Paamiut	0
Tasiilaq	2
Ittoqqortoormiit	3

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Soqanngilaq.

Inatsisitigut tunngavissaq allakkallu tunngaviusumik uppersaatitallit
○ Inissiat attartortittakkat pillugit Inatsisartut peqqussutaat nr. 2, 12. maj 2005-imeersoq

Ilanngussaq

1. Innersuussisartoqatigiinni malittarisassat 2018-imeersut

Punkt 4: Oqartussaaffeqarfiup angusai sullissinermilu anguniagai - 4. kvartali 2021

Beslutning

Ilisimatitsissut tusaatissatut tiguneqarpoq.

Oqartussaaffeqarfiup angusai sullissinermilu anguniagai - 4. kvartali 2021

Ilisimatitsissut

SagsID.: EMN-2021-16693

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- oqartussa qarfirmi angusassatut kiffartuussinermilu anguniakkat pillugit ilisimatitsissut tusaatissatut tiguneqassasoq

Suliassamik saqqummiussineq

Oqartussa qarfirmi ulluinnarni sulinermi innuttaasut pitsaanerpaamik sullinneqarnissaat ukkatarineqarpoq. Innuttaasup qitiutinneqarnissaa annertuumik pingaartinneqarpoq. Oqartussa qarfiup matchgruppe 3-miittut iliuusissamik pilersaarusiorneqarnissaat pitsanngorsaaviginissaa ilaatigut qitiutinneqarpoq, tassaniimmata innuttaasut timikkut inooqataanikkulluunniit ajornartorsiuteqarneq pissutigalugu sulileriaannaangitsut.

Pisortanit ikiorsiissuteqartitsinerup siunertaraa, innuttaasut, Kalaallit Nunaanniittut, allatigut periarfissaqanngikkaangata allatigullu ikiorneqarnissamut periarfissaarukkaangata aningasaqarnikkut isumannaatsumik inissisimanissaat. Tassa imaappoq, pisortatigut ikiorsiissutit tunniunneqartinnagit kommunip aningaasaqarnikkut tapiissutinik allatigut periarfissaasinnaasut misissoqqaarnissaat pisussaaffigaa.

Pisortatigut ikiorsiissutinut peqqussummi iliuusissatut pilersaarutit innuttaasumut neqeroorutaapput. Tassa imaappoq, innuttaasumut iliuusissatut pilersaaruteqarnissaa piunasaqaataaangilaq, innuttaasorli iliuusissamik pilersaarusiornissamut neqeroorfigineqassaaq. Suliffeqarnermut Isumaginninnermullu Ingerlatsivimmit innuttaasut anguniagaqarluarluni sullinnissaat pingaaruteqartoq misilittagarineqarpoq, tassungalu siunertamut iliuusissatut pilersaarutit sakuupput pingaaruteqarluinnartut. Tamanna pillugu kikkut tamarmik sapinngisamik iliuusissatut pilersaarusiunnissaat sulissutigineqarpoq.

Qaammatit pingasukkuutaarlugit pisortatigut ikiorsiissutinik pisartut eqqortumik naleqquttumillu tunineqartarneri qulakkeerniarlugit malitseqartinneqartarput.

Oqartussa qarfirmi isumaginninnermut siunnersortit sullissisullu tamakkerlutik innuttaasunik sullissinerup sapinngisamik tamakkiisuunissaanik qitiutitsillutik sulipput. Tamanna aallaavigalugu sullissinissamik anguniakkat ukuupput:

- Pitsaasumik, sukumiisumik piffissaatillugulu sullissinissaq qulakkeerneqassasoq
- Pitsaasumik innuttaasunik sullissineq qulakkeerneqassasoq
- Sillimaffiginngisamik innuttaasoq nalaataqartillugu isumaginninnermut siunnersortimik/ sullissisumik erngertumik oqaloqateqarsinnaanera pisinnaasarpoq

- Sillimaffigisassaangitsunik saaffiginnilluni piffissamik inniminniinnermiit oqaloqateqarnissamut utaqqineq ullunik 14-inik sivilunerussanngilaq
- Ulluni suliffiusuni nal. 8.30-10 sisamangornikkullu nal. 16-17 oqarasuaatikkut saaffiginnittoqarsinnaavoq
- Innuttaasut utoqqaat, pitsorluttut innarluutillilluunniit angerlarsimaffiinut isumaginninnermut siunnersortimit orninneqarsinnaapput.
- Isumaginninnermik Sullissivimmi isumaginninnermut siunnersorti pinartoqartillugu pigaartoq saaffiginninnermik tigooraasuusarpoq
- Qinnuteqaatit suliarineqarnissaanut utaqqineq ullunik 10-nik sivilunerussanngilaq
- Akiligassat suulluunniit piffissaatillugu akilerneqartut 95 procentimiinnissaat
- Oqaloqatiginninnerit 90 procentiisa ullut 10-t iluini pisarnissaat
- Innuttaasut tamarmik matchgruppe 3-miittut iliuusissatut pilersaarusionerfigineqassapput
- Siusinaartumik pensionisiaqalernissamut qinnuteqaatit suliarineqartarnerisa sivikinnerulersinnissaat
- Ineqarnermut tapiissutinik qinnuteqaatit suliarineqartarneri ullut tallimat iluini pisassasoq
- Isumaginninnermik Sullissivik ingerlatsivimmut tamarmut aallaaveqartumik sullissiviuvoq Saaffikkuminartuupput inussiarnersuullutillu. Kommunip ammanerata nalaani ammasarpoq
- Pisortanit ikiorsiissutinik qinnuteqaatit suliarineqartarneri tamarmik ullut qulit iluini pisarput

Pisortanit ikiorsiissutisisut amerlassusiat	466
Isumaginninnermik Sullissivimmut saaffiginninnerit amerlassusiat	3509
Piffissaq eqqorlugu akiliinerit procentinngorlugu naatsorsorneqarneri	90-95%

Aaqqiissutissatut siunnersuut – suliatigut naliliineq

Suliffeqarnermut Isumaginninnermullu Ingerlatsivimmi Oqartussaqaarfiup kissaatigaa, siunertalimmik anguniakkat amerlassusiat pillugu ammanerunissaq, tassungalu ilanngullugu aqutsisunut ilisimatitsisarnissaq kvartalikkuaartumik pisartussaqaq siunertalimmik anguniakkat kisitsisinngorlugit takussutissaliortoqartassasoq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

Soqanngilaq.

Ilanngussaq

Soqanngilaq.

Punkt 5: Timimik sungiusaasut pillorissaasullu suleqatigiit toqqorsivimmiittussanik inniminniinerat pillugu ilisimatitsisut

Beslutning

Ilisimatitsissut tusaatissatut tiguneqarpoq.

Timimik sungiusaasut pillorissaasullu suleqatigiit toqqorsivimmiittussanik inniminniinerat pillugu ilisimatitsisut

Ilisimatitsissut

SagsID.: EMN-2022-00742

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Inunnut innarluutilinnut tarnimikkullu nappaatilinnut immikkoortoqarfimmi Timimik sungiusaasut pillorissaasullu iluaqusersuutinik toqqorsivimmiittussanik inniminniippat 2021-mi kvartalit sisamaanni 69.500 kr.it nalingannut.

Timimik sungiusaasut pillorissaasullu inniminniinerit annikinnerusut arlallit ataatsimoortissimavaat nassiussinermi aningaasartuutit sipaarumallugit. Suliffeqarnermut Isumaginninnermullu Ingerlatsiviup taamaattumik taamatut inniminniisimanerup kinguneranik annikinnerusumik atuisoqarnissaa naatsorsuutigivaa.

Inniminnikkat tassaapput innuttaasut assigiinngitsunik iluaqusersuutigisinnaasaat nalinginnaasut timimik sungiusaasut pillorissaasullu sulineranni atorneqartartut.

Piginnaatitsinermut agguataarinermut pilersaarut malillugu Suliffeqarnermut Isumaginninnermullu Ataatsimiititaq pisinermi, missingersuutit suliassallu pioreersut iluanni 50.000 kr. sinnerlugit aningaasaliissuteqartoqarsimappat, ilisimatinneqartussaavoq.

Ingerlatsivimmit aningaasatigut sulisoqarnikkullu naliliinerit

Iluaqusersuutinut aningaasartuutit allannguuteqanngillat, ataatsimullu aningaasartuutit annikinnerulerput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Suliffeqarnermut Isumaginninnermullu Ingerlatsivimmi najukkami piginnaatitsinermut agguataarinissamut pilersaarut
- Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq
- Inuit innarluutillit tapersersorneqarnissaannut Namminersorlutik Oqartussat nalunaarutaat nr. 29, 7. august 2020-meersoq
- Suli at allaaserineqarneri 2021 aamma 2022



Ilanngussaƙ
Soqanngilaq.

Punkt 6: Majoriaq pillugu angusassat pillugit isumaqatigiissut aamma ingerlatsinermut isumaqatigiissut

Beslutning

Ilisimatitsissut tusaatissatut tiguneqarpoq.

Bilag

Majoriamik ingerlatsineq pillugu angusassat pillugit isumaqatigiissut 2022-2024

Majoriaq pillugu ingerlatsinermut tapiissutit pillugit isumaqatigiissut 2022



Majoriaq pillugu angusassat pillugit isumaqatigiissut aamma ingerlatsinermut isumaqatigiissut

Ilisimatitsissut

SagsID.: EMN-2022-00705

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Kommuneqarfik Sermersooq aamma Namminersorlutik Oqartussat 2022-mi februaarimi Majoriap ingerlanneqarnera pillugu angusassat pillugit aamma Majoriamik ingerlatsinermut tapiissutit pillugit isumaqatigiissusiorput. Isumaqatigiissutit kommunip Namminersorlutik Oqartussallu suleqatigiinnerannut tunngaviliisuupput, illuatungeriinnullu aqutsinermut atortorissaarutitut atorneqarlutik.

Angusassat pillugit isumaqatigiissut aamma ingerlatsinermut tapiissutit pillugit isumaqatigiissut kommunip Namminersorlutik Oqartussanut suliassaanik anguniagassaanillu aalajangersaasuupput pisussaaffiliillutik, ilaatigut ilinniarnissamut ilitsersuineq aamma piginnaanngorsaqqinnissaq pillugu. Tassunga atatillugu Namminersorlutik Oqartussat kommunimut ukiumoortumik ingerlatsinermut tapiissuteqartarput.

Isumaqatigiissutit imarisai ukiumi siuliini isumaqatigiissutaasimasut assigipajaarpai. Allannguutit taasariaqartut pillugit ersarissaatigineqarsinnaapput:

- Angusassat pillugit isumaqatigiissut siornatigut ukiut tamaasa nutarterneqartarpoq. Angusassat pillugit isumaqatigiissut ukioq ataaseq taamaallaat atuunnani ukiumi tulliuuttuni pingasuni, piffissami 2022-2024, atuutissaaq. Ingerlatsinermut isumaqatigiissut taamaallaat 2022-mut atuutissaaq.
- Ingerlatsinermut tapiissutit akilernerqartarnerat allanngortinneqarpoq. Ingerlatsinermut tapiissutit 70 %-ii februaarip aallaqqaataanni tunniunneqassapput, sinnerilu 30 %-it aatsaat oktobarip aallaqqaataanni tunniunneqarlutik. Siornatigut 80 %-it februaarip aallaqqaataanni kiisalu 20 %-it oktobarip aallaqqaataanni tunniunneqartarput.
- Nuummumut ingerlatsinermut tapiissutit 0,5 mio. koruuninik amerlineqassapput.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- o Inatsisartut inatsisaat nr. 28 ulloq 9. december 2015 suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit.

Ilanngussaq

1. Majoriamik ingerlatsineq pillugu angusassat pillugit isumaqatigiissut 2022-2024
2. Majoriaq pillugu ingerlatsinermut tapiissutit pillugit isumaqatigiissut 2022

Punkt 7: Ulloq unnuarlu paaqqinniffimmiititsinermut aningaasaliissuteqarnermik ilisimatitsissut

Beslutning

Ilisimatitsissut tusaatissatut tiguneqarpoq.



Ulloq unnuarlu paaqqinniffimmiititsinermut aningaasaliissuteqarnermik ilisimatitsissut

Ilisimatitsissut

SagsID.: EMN-2022-00407

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Suliffeqarnermut Isumaginninnermullu Ingerlatsivik inuit innarluutillit pillugit inatsimmi § 48, kiisalu katsorsagassatut pineqaatissiinermi periutsit naapertorlugit innuttaasup ulloq unnuarlu paaqqinniffimmut inissinneqarnissaa akuersissutigaa.

Innuttaasoq tarnikkut nappaateqarneq pissutigalugu ulloq unnuarlu paaqqinniffimmi tulluurtumi isumannaatsumilu, isumaginninnermi perorsaasunit annertuumik tapersorsorneqarnissaminik pisariaqartitsisoq nalilerneqarpoq.

Suliffeqarnermut Isumaginninnermullu Ingerlatsivik innuttaasup inissinneqarneranut tunngatillugu Isumaginninnermut Aqutsisoqarfimmut attaveqarpoq.

Ingerlatsivimmit aningaasatigut sulisoqarnikkullu naliliinerit

Inuit innarluutillit pillugit inatsimmi §19 naapertorlugu Kommuneqarfik Sermersooq innuttaasunut ulloq unnuarlu paaqqinniffimmut inissinneqarsimasunut ulloq unnuarlu ataaseq akigitamik aalajangersakkamik akiliisassaaq.

Innuttaasumut aningaasaliiffigineqartumut ulloq unnuarlu paaqqinniffimmi pineqartumiitsitsineq qaammammut 92.640,00 koruuninik akeqartinneqarpoq, ukiumullu aningaasartuutit annertussusii 1.111.680,00 koruuniullutik.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersartaatillit

- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq

Ilanngussaq

Ilanngussaqaanngilaq.

Punkt 8: Inuit innarluutillit aamma tarnikkut nappaatillit pillugit Tulleriissaarinermit Ataatsimiititaliami ileqqoreqqusanik nutarterineq

Beslutning

Inassuteqaat akuersissutigineqarpoq.

Bilag

Inuit innarluutillit aamma tarnikkut nappaatillit pillugit tulleriissaarinermit ataatsimiititaliami ileqqoreqqusat 2022-meersut

Innarluutilinnut tarnikkut nappaatilinnullu tunngasunut Immikkoortortaarfimmut ileqqoreqqusat 2016-meersut

Inuit innarluutillit aamma tarnikkut nappaatillit pillugit Tulleriissaarinnermi Ataatsimiititaliami ileqqoreqqusanik nutarterineq

Aalajangiiffigisassaq

SagsID.: EMN-2022-00459

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Inuit innarluutillit aamma tarnikkut nappaatillit pillugit innersuussinermut tunngasunut ataatsimiititami ileqqoreqqusat nutartikkat akuersissutigineqassasut

Suliamik saqqummiussineq

Suliffeqarnermut Isumaginninnermullu Ingerlatsivimmit Inuit innarluutillit aamma tarnikkut nappaatillit pillugit innersuussinermut tunngasunut ataatsimiititami ileqqoreqqusat nutartikkat suliarineqarput.

Suliffeqarnermut Isumaginninnermullu Ingerlatsivimmi innersuussinermut tunngasunik suleriutsit pitsanngorsarneqarnissaat siunertaralugu ileqqoreqqusat nutarterneqarnerannut pissutaavoq.

Allannguutit pingaarutillit

Tulleriissaarinnermi Ataatsimiititaliami ilaasortat

Oqartussaaffeqarfimmi fagcheffi Tulleriissaarinnermi Ataatsimiititaliami siulittaasunnungussaaq (siornatigut Innarluutilinnut tarnikkut nappaatilinnullu Immikkoortortaqarfimmi fagcheffi).

Oqartussaaffeqarfimmi immikkoortortami aqutsisoq, Inuit innarluutilinnut tarnikkut nappaatilinnullu Immikkoortortaqarfimmi aqutsisoq aamma isumaginninnermut siunnersortaaneq/suleqatigiinni aqutsisoq Tulleriissaarinnermi Ataatsimiititaliami ilaasortaassapput.

Tulleriissaarinnermi Ataatsimiititaliami maanna tulliuuttunut tapersersuinnermut periarfissanut taamaallaat tulleriissaarisassapput:

1. sammisassaqartitsinnermut ataatsimooqateqartitsinissamullu neqeroorutit (§ 45 imm. 9)
2. Nammineq angerlarsimaffigisami isumassuinnermik tapersersuineq (§ 40)
3. Ikorfartorti (§ 42)
4. najugaqatigiiffiit (§ 46)
5. najugaqarfiit (§ 47)

Suliffeqarnermut Isumaginninnermullu Ataatsimiititamit ileqqoreqqusat nutartikkat akuersissutigineqassappata, Tulleriissaarinnermi Ataatsimiititaliamit ileqqoreqqusat nutartikkat atuutilersinneqassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq

Ilanngussaq

1. Inuit innarluutillit aamma tarnikkut nappaatillit pillugit tulleriissarinermut ataatsimiititaliami ileqqoreqqusat 2022-meersut
2. Innarluutilinnut tarnikkut nappaatilinnullu tunngasunut Immikkoortorta qarfinnut ileqqoreqqusat 2016-meersut

Punkt .: Taasariaqartut allat

Beslutning

Ataatsimiitap isumaqatigiississutigivaa Ataatsimiititaliami Nuummi angalanissaq sapaatip akunnerani 24-mi ingerlanneqassasoq, kiisalu Kommunip avataanut angalanissaq sapaatip akunnerani 39-mi ingerlanneqassalluni.

Punkt .: Imaqarniliap akuerineqarnera

Beslutning

imaqarniliaq akuersissutigineqarpoq nal. 15:22

